





四照堂詩集目錄

卷之一

五言古

三月晦日集子楊園即贈并以寫懷

久雨忽霽喜伯棟至仲木松庭携美人溪上

酌晚霞初夏同友人集士雅

魚賦贈宋民部招同陳爾新

太史陳玄聞侍御集湖舫即席限五言古

得十一真劉太夫人節壽詩


寄懷邊城南駕部和韻送周櫟園

阮仙先生居草土以大孝稱五十壽其不敢

為謏詞里言三章代攄永慕

壽許太翁七十清明夕仙招遊狼山

晚步劍山至朝陽庵復還若公蘭若





渡軍山

峭壁

登軍山頂至西南諸菴訪羅漢不值兩看山

采蕨詞

捕魚歌

別軍山從山茶灣登舟渡江遊朝陽洞

大人峰

禮惠溫師塔

漫興

招集螺舟北園

溪上見梁叔鸞携其子牧羊城東戲拈長句

為贈

壽冒辟疆四十

趙太夫人六表

步石門看沿江一帶

步椒嘴

看月正十

雉離曲

酌石上

榮公招遊北山

螺舟招集北園小閣

閏三月十九日閨衣

南雲篇

姑山草堂歌

買花歌

七言古

四

五言律

亂石灘看落日

正月三日宋使君荔裳携酒過千峰閣對雪

涿鹿道中

漫河

阜城

神頭鎮弔東方朔先生墓

宿獻縣

窮天

自淮之寶應

坐蓉亭有懷

促織

章山望北園一帶

移家高郵仍用前韻

送香山遊潁川

軍山看日出

白溝河感懷

杜橋語章甫

濟陽旅宿

望淄川家信不至

移梅覺翁夜坐不去

舟泊楊子橋

蓉亭觀荷

和韻酬鷓林贈別三

送仲木之揚州余亦

酒諧分得蟹螯同限

送鳧嶠之白門二首



誕日口號四首  
登燕子磯  
訓蜀中楊青石  
繇招隱往白龍洞看

往焦山望北固一帶  
梅  
北固山  
鶴林寺

招隱寺  
妙高臺無月  
金山寺  
十七日同蒼略赴談

京口晤蒼略  
十五招集戴公園兼懷于皇  
壬辰除夕同三弟竺

生五弟五庸聲任暨舒子固卿守歲隨所  
憶口占得八首  
除夕又示兒茂

小有別于渡江  
子見之章水辛卯聽彈琴高沙忽聞他適  
小有茗姬善琴丁丑

愴然賦此  
聽楊太常彈琴  
代小有茗姬作答  
光岳樓社集訓朱寧

九日同方朔集寓齋望于皇不至  
文  
訓姜滙思留別步韻

晤緯之得于皇亾姬耗  
韻李繼中

同于皇因圃抵足聞歎四首  
與

于皇亾姬一女余亾室  
一兒情頗相類枕上

于皇將移居成賢街  
于皇將移居成賢街

同于皇觀劇後作  
送于皇歸秣陵

和韻訓劉遠公  
雨中發舟

舟行  
舟過如臯懷山松

上巳雨泊丁堰  
贈翁山上人

已亥七月移家盧家堡舟中卽事  
容

返揚城喜晤孫子無言  
容

射侯談崇邑先賢事甚快晚同慧融夜坐約  
容

遊靈隱  
呂仲音招集蔭芳園

卷之二

七言律

同安瀾坐菴亭言懷  
不寐早起彈琴亭子



野客樗樵

涇上有感兼懷葭園李叔則明府枉詩見

訊賦答詩索子和韻

黃坤五先生贈西佩次韻別寤明

重九同道生胎簪元長集平山堂

抄秋胎簪道生子有登天寧寺高阜限五韻

秋客清江萬年少自徐州至晤集有感

贈王雪蕉先生

關夜集賦贈

聞鄉信寄邳州姚廣文

送嵇子震北上

震登淮城眺飲

臘月廿四夜同香山泊舟邵伯

黃葉篇紀年七咏

臺雨眺

送充魯入秦

雨集同社得肴字

壽王元倬六十

壽李宗伯太虛先生

寄許丹綽

雨過豹人漑堂

遊上方寺

次饒士衡韻

別李以理司理

訓姜滙思

送孫無言歸黃山

九月望日集秋水堂

九日集紫苔山房

西寺步月有懷

送龔太常北上

中秋見月

九日步許觀察韻

贈宋荔裳叅藩浙東

漫興

七言絕句

苦雨射侯過談

芭蕉和韻

懺瓊四首

寒食

歐臺卽事

聽柳敬亭說史

安禪師惠武夷茶

觀劇

朱櫻口號



市上購得書几

蛻翁社伯生圃

寄剩公亭

送翁山看梅

送惟識歸湖峰

訪侗若

遲方朔不至

集濟之北園

贈包二長

喜石圃主人新移竹

古月頭陀書經紀事

送高六之九江

題公狄鶴錫圖

輓梁仲木

中秋夜坐

讀潘木公詩

中元前旦夕泊石門

訓具範上人

四照堂詩集卷之一

南昌王猷定于一著

龍眠王現蒿伊校

五言古

三月晦日集子楊園卽贈并以寫懷

太丘何道廣遙情託深素卽物會所欣雜焉呈衆

嬀人外選幽城于斯理恬步我愛靜者心閒閒共

芳樹晚晚日將晚欵門遵竹露清闕落蕭機澹與



四庫全書  
卷之八  
流烟驚戶下水香新芳草亦相務隨意酌清言酬  
折自成趣人挾萬古情所悲無一遇日月不易處  
精神嘗生懼從此掃落花沉冥理已具楊柳何青  
青扈鳥宿中露扈鳥一聲啼春風已非故得性遂  
古歡悠然竹光暮

久雨忽霽喜伯棟至仲木松庭携美人溪上

酌晚霞

天氣結古陰吹雲色惆悵望霽如望友沉默生高

仰空景忽焉開迷情得悠鬯聲則鳴桑林桃花逐  
春漲芳草碧遙遙光風澹飛颺迺逢尋烟人悠然  
策几杖沼淥步空香布席掃花妄四矚無凡情虛  
明任天放同志二三子小舟操秫釀盛之老瓦盆  
受爵無交讓略渺挾飛仙清歌答靈貺須臾天帔  
垂羣日赴霞上午起似夷猶情爲烟霞養解馭漸  
升華高城負奇壯林外暨林中隱見非一狀我思  
世間理陰陽各殊相當其在幽蓬風雨生窮巷一



且揚光靈百情奉豪宕天道苟有然盈縮自相償  
感子意氣深冥心尊古尚日落且啣杯彈棊復高  
唱文魚時一起樂我中懷暢此夕夫何如忘情失  
所向無交難卻折對飛山前烟谷遠眼與天如  
地五初夏同友人集士雅呈賦贈  
天地飛炎風嘯旅春光去伐木正鶯時芳草碧心  
路之子寒芳人稱心易成趣圖史列烟庭見聞靜  
花樹結韋思何深茗柯理即寓綠外一樽酒牢社

入古宙四海豈有隣情至泯新故燈下落枯棋清  
機雜然赴燕歌妙旨存慷慨住柔吐嶽嶽京峴才  
風雅相與助顓黃日以遠崎嶇歷朝暮感君神明  
強光華自周濩日月有飛英喬松與馳驚聖老信  
繇然觀化亦可悟觀化無端倪冷冷一鐘度

宋民部招同陳爾新太史陳玄聞侍御集湖

韻二 韻三 韻四 韻五 韻六 韻七 韻八 韻九 韻十 韻十一 韻十二 韻十三 韻十四 韻十五 韻十六 韻十七 韻十八 韻十九 韻二十 韻二十一 韻二十二 韻二十三 韻二十四 韻二十五 韻二十六 韻二十七 韻二十八 韻二十九 韻三十 韻三十一 韻三十二 韻三十三 韻三十四 韻三十五 韻三十六 韻三十七 韻三十八 韻三十九 韻四十 韻四十一 韻四十二 韻四十三 韻四十四 韻四十五 韻四十六 韻四十七 韻四十八 韻四十九 韻五十 韻五十一 韻五十二 韻五十三 韻五十四 韻五十五 韻五十六 韻五十七 韻五十八 韻五十九 韻六十 韻六十一 韻六十二 韻六十三 韻六十四 韻六十五 韻六十六 韻六十七 韻六十八 韻六十九 韻七十 韻七十一 韻七十二 韻七十三 韻七十四 韻七十五 韻七十六 韻七十七 韻七十八 韻七十九 韻八十 韻八十一 韻八十二 韻八十三 韻八十四 韻八十五 韻八十六 韻八十七 韻八十八 韻八十九 韻九十 韻九十一 韻九十二 韻九十三 韻九十四 韻九十五 韻九十六 韻九十七 韻九十八 韻九十九 韻一百

碩果留天地方回萬古春草木偃霜雪晦朔肅無



垠仲冬感微陽寥寥望羣倫偉人表東海巋然天  
廟珍獨扛梅子鼎神明炳若輪亦稍驅墨兵崢嶸  
動三辰驅車向南紀古道多荆榛商旅競錐刀檣  
艦候通津遠慮關王政細微推至仁區區共綫流  
仗公濟世身譬彼泰山雨蹄涔膏澤勻賤子亦何  
愚釣月珠湖濱擔簦望紫氣屢逡巡何期公  
輔度梗棘歸斧薪吳楚兩太丘風規迭主賓高談  
輒驚座靜理當書紳層湖張廣筵老眼暫一伸烟  
霜汎萬鳧滉漾天水隣渺思入空濛瞬息已失真  
景耀匿淵谷雲雷鬱經綸矯矯神龍姿魚服友波  
臣撫茲發長嘯幽懷蠹高旻

劉太夫人節壽詩

并序

寶應劉近思余年家兄弟也太夫人韓母而  
妻練江先生先生立朝風節天下莫不聞與  
先君同年立朝又同風節相愛也余至涇上  
登堂拜母念四十九年如昨日事而登堂不



見先生欲睹兩人相與情狀不可復得惟見  
山峙水流草升木降昔時之風景具在焉使  
兩先生尚在不知當何如會近思徵詩壽母  
夫定也于母微獨闡德宜詩重以世好昔人  
之思與夫一俯仰間小子不述後將何聞因

質言侑爵焉

貞松栢之友鳳停鸞乃翹同類自森標匪彛表伉  
儷珈笄象山河徽柔協琴瑟坤儀溯所司延胡永

年配水流石不泐翁鬱山有礪維我讀國史家乘  
旁搜記皆當神廟中蟠木有雙蒂曰予先顯考盤  
錯皆遠器同升謁明堂軒冕皆琫琕立黃門戶割  
清涇矢不二誰能號東林不避豺虎噬國事漸苞  
稂中外蠱元氣梁黍竊空蝗雲臺徒掩涕歸歟講  
席開吾道存衣帶飲水註離騷排闥叫忠義丹鉛  
星斗殷山鬼拜蘿薜至今深夜吟恍惚雷電出鹿  
門有敝廬寒流抱冲閔竭來剡溪船枯雪靜言對



麥飯共瓦盆箕帚恒坐地想其淵泊心猶嫌紵縞  
贅是時海甸寧三綱賴扶揭乾坤歛野馬梁木正  
深喟滄乾烽火燃皮骨無地憇藐姑予小子飄流  
雜賓屬釋筮問龍門氷壑留庭砌登堂覲肅雝母  
也仍象掃閭咳聞不聞緯恤有餘愾再拜欲失聲  
哽咽傾倒際豁達類彭衙亂離呼兄弟我翁譜而  
翁而母卽予慙振振列聞孫醜酒各相媚艱難媿  
深情猶子乏甘毳日月磨銅丸鬢絲終夜織滌髓

見乳血凜然風化視撫茲念往史典刑勤寤寐介  
母肅不言霜柯壓百歲

寄懷邊城南駕部

朔風吹寒雲牖北星辰舊愴况念故人三川挹神  
秀古貌碩無朋便便孝先胄兩世締深盟不啻若  
婚媾昔君宰昭陽予方學雛鸞涉江訪先生鐘鳴  
大小扣存惠及車魚旅病亡顛覆及予先子沒煢  
煢予在疚井凍及牀寒奉母坐氷霤君抱古人心



千里辱芻醢季也爲請恩泣向長安走維時天步  
艱焮火嚴斥埃遊子日徬皇賴君時左右倏忽三  
十年乾坤易昏晝蓬蒿沒層岡騶虞伏古岫關河  
念阻脩遐陬尚龍鬪幽鯉戒畚鬻痛哭江河漏魂  
魄暗山燈晦冥不知候以茲勞夢思援琴發孤奏  
擔簦挈妻孥漂泊無停逗長淮歷西東如枝掛猿  
狖拔劍起哀吟茫然視宇宙咄咄隴西公軒轅適  
奇邁爲言布芳訊松柏知華茂青鳥復西飛緘辭

代親覲遙望碧山重仙宗隔雲竇

率天和韻送周櫟園先生

棘土有輿氣園樹惟啼鳥一日謗書起萬里成羈

孤感激破械出浩蕩見江湖春鴻急歸羽風勁更

啣蘆

其

問君出幽薊君言鬼門還豈無一杯水將淚洗塵  
顏分明見故舊疑夢歸鄉關夜聞戰馬嘶漠漠在



陰山四具效誓發夢識飛關外開輝黑澳真其式  
閱其其三商言言其門豈豈無一林木其式其式  
裁詩別答繇儼如別故人昨夕仍秋夢曉乃知爲  
春魚鑰開重局銀鐙猶照身環視四壁中劍在耻  
言貧效效效出出其其其其其其其其其其其其其  
其四  
牽衣渡黃河泣血曾幾時堂上懸雙旌恠雲如陣  
旗生還亦旣多復官將何爲誓墓未有辭幽泉心

自知

其五

置身冰雪外拂袖怨仇開車下太行阪舟自瞿塘  
迴唐阜脫險難衆日夷吾才還尋侯羸車忼激登  
吹臺

其六

後先十餘載君初返丘園遺民半黃土白髮兩三  
存晴雨或能習出處非敢論秋穫田水漬春耕燒



畚翻雨夏前習出盡非類館林蘇田木貴春林  
阮仙先生居草土以大孝稱五十壽某不敢  
爲諛詞里言三章代攄永慕

天道一陳局百齡胡爲然哲人洞元化精心結大  
年江河日以下生孝亶不全今日良宴會徒保壽  
命堅誰云扳栢號不可被管弦彭籟曾閔心千載  
疇獨賢

其二

六月炎風吹芒燥揚赤土言念北堂中乾螢炤繩  
戶旨酒豈不柔顧復邈何所斗儻如枯甌冰心自  
寒暑藜藿感所生啣恤涕如雨我來拜先生樂樂  
河之澣

其三

河水亘長淮橫流大江去瞻彼雙棲鳥亭亭在孤  
樹琴瑟一以乖栝棬益深慕道福匪所求玄感自  
來赴天地厚光華海瀾結烟霧何者爲喬松永念



良可悟介爾無形聲悠然遠鐘度

壽許太翁七十

鬱鬱蜀岡松灤灤邗江水至人秘棲冲穆然範視

履當其事咕呷詩書薄糠粃焚籍對古人奇勲策

良耜羲農嗟何辜而爲簪纓滓卜式椎無文入粟

拜天子一室有好爵白雲多微旨黃山高峩峩靈

光矚其裏擔簦緇昔遊高蹤勵屐齒我讀睢陽傳

翁世傳青史時事棘以艱壯懷空撫髀秋風吹鷺

雀飛羽白猥猥大厦迄未成相率固營壘不見鴻

鵠雛心期在萬里玄霜將戒塗日月會龍尾茵桂

已零落菊芳雜紅紫酌醴餐其英爲翁介繁祉海

氣射扶桑高堂日方始

清明夕僊招遊狼山

清明天忽霽集侶狼山遊出郭紛車馬晴光滿綠

疇數里見峩峩山遠心已周末暇辨山外一心趨

上頭須臾臨絕壁十丈峭且幽巨靈何代斧積鐵



無寸柔懸溜滴蒼崖鶉鴿聲啾啾登臨肆遐矚乾  
坤互綢繆海水流下天天盡水不休遙望三吳影  
一抹青黛浮把酒發長歎軍劍如孤舟  
晚步劍山至朝陽庵復還若公蘭若

策杖倏東往沿江復高阜盤躡下層崖波濤喧肘  
後上有雙人峰積石蒼苔厚窮巖一戶開居然見  
緇叟指點渡頭山山山落吾手歸塗穿日脚月出  
斷山口下看捕魚人乘潮若飛鳥咫尺寺門深海

氣到林藪默坐觀此心鐘磬亦何有

渡軍山

一洪如弱水輕舟渡須臾積想十年山茲日始投  
軀山逕寂無人長松夾路衢東折海天碧微風吹  
我裾僧舍三五家冬青編門閭休沐且未暇遂訪  
老苾芻開山五十年事事見古初隔圃種桃花堅  
壁手自鋤莽僧呼我飯甘滑異常蔬深羨此山人  
唐虞亦我疎一死青濛濛歛魂歸虛無祖龍駐軍



地快哉勝腐儒森森空濤外人間豈有書潮來復  
潮去今古嗟何如亦猶廿世異漕漕我徒北山人  
步石門看沿江一帶峭壁

鴻濛氣不收大海落孤嶼溟漲壓天柔峭壁向東  
補香亭下石門尋幽仗同侶沙軟亂石鋪左右艱  
布武差峩十丈雲倒崩垂一縷何時浪薄天洗濯  
無寸土老魅雜宵燐鷹鷂與之處巖黑悶陰泉白  
日飛天雨僕夫掖我行蹣跚不得語歛忽凌蒼崖

微徑歎空取飈迴石窟腥團團漁火聚悵彼結茅  
人痛遭綠林侮花光蕩海春煙岫誰爲主突兀見  
丹臺波濤互吞吐疇割女媧石天然落方所酒人  
見之顛魚龍見之舞不見日月生諸峯粲可數遠  
影生微白將心息半晷乃問燕公洞危嶮亦歌腐  
胡變島夷名愾然念今古倭夷至此遂  
名倭子洞自笑老人  
癖不知筋骨苦審潮正方來視日亦已午忽到斷  
水崖狂瀾一峯阻



步椒嘴

朝行樸榆灣日暮坐椒嘴寸步萬里濤坤維從此  
止氣候異昏旦淺淑卽江底乃知山海情詎能測  
終始北風捲潮來漸見海雲起舉頭矚四山層巒  
疊一指纔回衆山畔茲山失其趾渺渺一帆懸從  
天下江水坦步至前林風吹落松子

登軍山頂至西南諸庵訪羅漢不值兩看山

茶花

海氣欲漂山浮空自天幕絕頂日光生衆樹呈微  
碧堂堂古殿開萬里在几席北望煙火濃悲哉見  
城郭乃有西方人陶陶此中樂山茶逞奇紅作意  
媚遠客對此不厭頻重來就花酌所歷山谷窮下  
見夕陽脚徘徊萬松下冷冷鐘磬落

東山看月

日見海天低夜見海風苦海水浴天時星辰皆作  
雨惟月下海中百道金光聚波響月可聽波來月



可取試問山中人月來幾寒暑  
日采蕨辭交良或風苦或木谷天  
東山有薇蕨根芟潛后土天清飽  
雲霞天寒耐風雨棄置大道旁  
莫適誰為主我同三子閒來時  
掇取蚤菹烹食之可以香肺腑  
山鷹善攫人往往厲其羽此物  
非所欣虛驚罷笑語始知高蹈  
人寂寞心良苦

山中聞雉雉曲

雉雉曲

山中聞雉雉起我故山心飲啄一何適  
顧盼非舊林北山有張羅幽谷無鳴禽  
茲山一水隔草木遂能深山雉知我  
閑耿介發長音拂彼南山石可以彈  
素琴琴心在千里聲落海山岑回頭  
顧彩翮滅沒不可尋

捕魚歌

捕魚歌

我欲捕魚兮海風發發日網夕陽  
今夜撈明月一朝風止兮我欲從之  
水深泥滑我欲捕魚兮海



水洋洋蛟龍爭鬪兮斷我魚梁重思結網兮誰齋  
我糧顧舟楫兮我心傷日大魚飛上天小魚落江  
底吁嗟捕魚翁飄泊隨江水 掘江場廟灣口我  
欲捕魚兮莫搔手軍山與狼山走聞之童謠兮今  
驗否吁嗟乎年少捕魚今日回首空回迴  
酌石上  
手提一尊酒南山下復上山上一花飛山下十年  
想纔去隔山灣空山木魚響

別軍山從山茶灣登舟渡江遊朝陽洞  
五日遊一山所欣當告誰揚帆絕壁下片石有餘  
思老僧相送別訂我後來期宿霧寒朝景前峯忽  
在茲一塏掛青漢白雲繚繞之白雲有時盡青山  
無了時高坐西山石東山知不知

大人峯

黃泥山下一峯俗名朝冠石莊敬肅穆側  
立道左僅見其背感而記之



咄咄慎威儀胡為茲石在見之使我驚蒼然無世  
 態感君道旁情南山已破碎道旁此何時藤蘿生  
 障礙欲移大海濱問君撫其背忽思看桃花一往  
 不可再高坐西山不東山不賦不賦

榮公招遊北山同方朔汝受皆山

乃聞北山名人力何年肇累土成自然綠淨行人  
 少老友招我遊深情寧醉飽來訪子雲居楊酒生赤文也  
 頽垣見叢篠瓦盆盛酒酌為我剪春韭流水一舟

來風吹何渺渺遂登碧霞宮雲空蕩飛鳥遠樹忽  
 如城周迴恣閒眺亂碧呈微黃海波行樹杪氣動  
 亦何寂濤聲在天表歷歷五山峯一望北山小

禮惠溫禪師塔塔在狼山

人代閱滄溟入山自知老來此整心魂隨步登清  
 昊靈光伏幽崖萬物皆枯槁昔聞淨居尼門逕何  
 人掃空山有古雲不黏斜陽道仰視碧重重俯見  
 白浩浩端然禮師塋春風吹蔓草



螺舟招集北園小閣漫興

同方朔圭峯辣泉皆山菊裳天日香

令同叔

遠風似潮來頽洞到羣木小閣如乘潮開牕恣遙

矚一鳥鳴前林衆鳥相與續林外紛笑語聞喧轉

幽獨俯看池上波羣陰走大壑彷彿上鬚眉漸見

斜陽綠主人肅盤飧兀坐意已足靜密聽無聲高

堂闕修竹

閏三月十九日開衣招集螺舟北園二首

微雨當初夏園林忽似秋感此今何日敷天有閏

愁氣候變寒暄草木不自由朝影撐東墻暮逐水

西流客心能無悲百鳥正啁啾飛鳴豈不樂耻彼

稻梁謀不見池上禽卑棲各有儔

又

我來楊柳黃今日見飛絮飛絮纔沾衣轉盼流水

去芭蕉抽新條剝落棄其故新條雖可喜故根委

何處念茲白髮生能不謀歡聚王子窮且豪脫衣



事酒醺狎坐四方人飄零無一遇我憂與畫長胸  
行萬里路日光颺野馬乘空飄且往日落何所依  
悲風在孤樹今日且來深

七言古

溪上見梁叔鸞携其子牧羊城東戲拈長句

爲贈

兀兀城東日將暮城頭唯見鴉團樹樹外町畦叢  
草生數羊升降斜陽路一人携兒行且止見持羊

尾聲芊芊旋復置兒別有思布袍岸幘臨溪水正  
憶當年北海人突兀眼前叔鸞子吁嗟叔鸞之貧  
不言貧數間茅屋容千春胸中雷電書幾尺豈知  
天地有新陳有時大叫嘖鸚鵡牀上悲歌擊魚鼓  
十年喪亂雉媒啼短日幽幽下荒土試望焦堯一  
鶴歸城郭淒迷神仙苦君家伯鸞出秦關鴻濛奚  
必灞陵山百拜已辭名姓去五噫之聲滿闐闐人  
生百年埒過客何暇忙求萬古宅不見金華石室



騎羊兒不去鞭羊去鞭石與爾寺前聽晚鐘明朝  
牽羊西復東

南雲篇

我欲一觥醉春春無主陰城密密飛天雨雷風薄  
地艸離離黑蜈晝見鴟雞舞城東老媪哭古墳槐  
羹麥飯飄泥土望日當心不可知共結花魂棲奧  
府丈夫何事日苦饑簌簌困倉變飛蠱長劍淋漓  
束縛之不縱不橫劍光死我家石井緱山下石氣

炤人顏色古此山唯有老猿啼白晝荒荒失寒暑  
鵝笙響徹鳳皇來仙酌神囂月方午一片精神廣  
大雲旌旗肅肅卷溢浦趙牛魏鼠走空青星辰下  
遶崑崙柱淮南澇旱黍苗枯迎貓擊鼓愁秋卮田  
家寧緩望雲心蝮螫危人消息苦我欲招兮望鳥  
飛遼天水濶絕中野我欲不招兮化鳥歸叢棘棧  
棧怨毛羽招不招兮柰鳥何深山口血濺空畚畚  
空猶自咽殘薇口血深山亦何補虛聽無端厭鬼



神寢魂只與虛空語胡爲長歌擊石白雲間自憐  
自泣傷心腑君勸君酌鸚鵡

壽辟疆四十

我鄉玉山鄭太史閻合曩篇見其紀上泝文皇大  
典書序自東林冒公始經龍義虎星列陳已識家  
尊偕令子巨源爾公數晨夕日走輕郵與密驛讀  
得鷓鴣第一篇王佐才稱遍江磧君過洪厓我遠  
游翻我東湖露庫格我歸君去鄧尖山鄭鷓鴣聲

遶紛碧十年願埽舍人門今日何繇降阡陌古人  
不恒輕拜人亦不容人輕一拜陳徽庾袞辭未同  
相逢詎便低冠髻吳楚東南望見君紛紛獻紵贈  
縞帶古今白望殊足愁芥穢嘗橫滄海流未知輔  
嗣何所道平叔談端緒曷抽松枝塵尾慢相捉僧  
虔誰知善自謀今見夷吾無復憂始信士慕韓荆  
州便坐樹下與我語不令拜止寧卽休聽重齒牙  
樹駭頰王伯袞袞輕公侯平原信陵作聲價樓上



美人笑蹙者車騎朱門屠狗迎珊瑚珠履空豪冶  
易水東流蹙羽聲荆卿劍術從來下君身金粟文  
人慧爲粥于路待蒙袂空筇滌釜倚直桐國人望  
君猶望歲春申孟嘗不數賢何況清芬咏載世能  
祝之壽壽一室無祝之壽壽大荒勸君碧琳之美  
酒進君雲璈之八琅河翻瀆瀉岱嶽倒縛樹爲屋  
樂未央游飲自晦適遇君爲君拍疊舞山香千里  
渴人多醉色殮風案劍羽翼張

姑山草堂歌

我鄉麻姑之山四百里上有百道神功之飛泉奔  
流盱江岷江勢乃止十年仗劍不得遊波濤斫斷  
蛟龍愁今秋徐子顧我邗水傍日予家在姑山之  
草堂噫吁哉爾乃得有姑山之草堂使我聽之神  
傍皇姑山曷有白雲千畝槎牙虎石蹲若闕萬壑  
蒼鱗風雨吼日月標空石上生仙人鐘鼓靜無聲  
滄海幾枯柯斧爛一局碁枰且復且徐子居此幾



何年况有壑山堙谷皆名田一朝江南飛戰瓦陵  
陽山繫將軍馬艸堂從此絕古春荒榛豈有隴耕  
人夜夜老鳴山鬼叫愁殺李白同謝眺謝眺青山  
李白樓到今只聞野水流似此何能不感傷人生  
各各懷故鄉懷故鄉君且歌百年徒爾喚奈何有  
時頭白蔣陵樹有時聲咽玄湖潮乾坤已老君且  
少烟鹿可友芳蘭可樵君曷不圖混沌倒天瓢于  
以揮八極而游逍遙如我有山歸未得日走大江

望山色古云望遠可當歸不如君言此山猶依稀  
噫嘻果如君言此山閒作主我將負君春賃君廡  
割君半嶺雲當我家山譜不然送君將歸我心苦

壽趙太夫人六表

在昔長沙之烈振南楚截髮斫柱聞陶母陶母千  
年陵谷陔乾坤真氣絕戶牖衡湘乃有岫嶁七十  
二峰之崑侖雲車絳節來高門殿中赫奕御史婦  
有兒孝廉陔母生東屯煌煌京雒且勿道請除挾



瑟奏瓦盆上言新婦時大父憐婦苦蕭然壁立庖  
無雙鯉二月縲蠶絲五月饑南畝行人江潭望不  
歸井邊里役持門戶下言十六年來如電掃芙蓉  
山下天亦老回首山東流血時一官匹馬邯鄲道  
母奉板輿何鞅掌而漢而江而濟上豈意龍髯邈  
白雲折檻猶能見吾黨勿言往事使母悲勿言今  
日使母喜舊國滄溟去不回日出日入洞庭水麒  
麟擣抗安在哉眼前突兀丈夫子今日壽爲母歌

母日止止無多君無彈琅玕之璫擊昆明之筑發  
排空之歌俊華存而舞婆娑但憶當年機杵一絲  
聲可譜此是長沙之烈振南楚噫嘻此是長沙之  
烈振南楚

買花歌

爲學士李閬翁賦

學士磊砢歷落之畸人一船買盡江南春江南春  
色年年早二月看花春已老半塘十里種花田賈  
客賣花如賣稻宋元寫意態更奇五嶺梅橫一尺



竈價值青錢十數萬使人瞥見冷心脾并州兒笑  
欲死騎馬還看廣陵市廣陵市上塞羶裘馬蹄能  
使春風愁碣鹵廣袤三十六黃金巨艦作販牛鳴  
乎人生富貴何足數天下學士奔波苦千樹流鶯  
喚不醒夢牽黃犬猶栩栩夢栩栩亦何有不見歐  
臺之叟七十餘手鋤荆棘種楊柳柳條不待春半  
柔引人清興到筵篋入門便聽歌聲沸閉戶還貪  
花樹幽今春陡然雪三尺閩海徵兵動阡陌官吏

提船急豆芻有船不裝買花客我未見兵愁已生  
但聞滿城弓箭盡南征起看一人花裏行

天門山亂石灘看落日

并序

三齊紀畧云始皇欲渡海觀日出有神能驅  
石下海去不速隨鞭之俗傳狼山卽其處也  
偶遊茲山坐亂石灘看落日故有此作

秦皇渡海觀日出何神能驅下海石海日可似秦  
皇時此石今猶着鞭迹小石纍纍到海沉大石不



動守高岑我愛此石坐石脊以手撫之聽海音海  
音颯颯從東起浪湧孤光勢不止半天紅紫落千  
林轉盼扶桑已西徙

軍山看日出

天雞叫罷海水黑萬里扶桑絕消息長鯨鼓浪吼  
天門北斗薇垣辨不得有客通宵坐石林寒風三  
月吹人心以袖蒙頭臨絕壁樹外倒看天沉沉須  
臾東際生微白碎剪波光亂天碧丹霞氣轟尚氤

氲已有金蛇兼電掣可憐久雨廢畊種萬戶愁雲  
方入夢頭白書生愁更深眼見陽回心轉動那知  
聖人出深宮九霄步步光玲瓏橫空作勢屢興沒  
羲和攬轡何從容割然半壁紅輪起砍斷蛟龍四  
海水三湧飛光上碧空回看一寺桃花裏

正月三日宋使君荔裳携酒過千峰閣對雪

同集宋旣庭唐

豫公張登子

惟山一夜空林吼獅子街頭絕行走老夫朝起開



半扉撲面雪花大如手巖巷俄成白玉階山茶滿  
樹落莓苔呼童花雪莫輕掃掃花斲卒紛喧厖口  
稱官長來未絕倒屣坡前車騎列

坡舊名

東武飛來

君故山故山坐對他山雪古堦盤空何快哉萊雞

佐酒隗囂杯

公任秦州土人自隗囂宮掘得之者

閒看饑鳥啄簷瓦

鳥驚瓦墮三人來高臺極望迷城郭翻身再上千  
峰閣千峰莽蕩化白雲大海波濤湧山脚天柱傾  
折石帆懸渺渺香爐飄玉烟苦竹城頽何處望攢

宮樹死亦凄然須臾日射山光發纓帶橫斜爭起  
滅乾坤氣候變鴻濛萬壑微茫辨禹穴樽前醺黑  
天模糊使君豪氣凌五湖縮取山河來几席秉燭  
夏看輞川圖網川圖寫二十幅飛走煙雲看不足  
崔生巧欲奪化工化工染繪較神速醉罷莫歌黃  
竹詞羣公騷雅勝南皮草堂載酒嚴公少訪戴誰  
傳剡客詩如公韻事今稀有朱門酒肉笑屠狗狂  
歌莫待春風來明日春風已白首

次日立春



五言律

涿鹿道中

風塵傷老大，髀骨瘦征衣。  
日落高原迥，天青驟火微。  
樓桑弓鼓怯，督亢黍苗稀。  
兕虎休長詫，相呼白雁飛。

白溝河感懷

趙氏三百祀，長城只白溝。  
人心恃險阻，天意絕優游。  
束鹿曾憂戰，盧龍今罷愁。  
深情惟古水，活活向

誰流

漫河

祝國踈戎馬，今傳五壘城。  
去留難自定，疑信卜人行。  
石埭雲千里，水谿雁數聲。  
愁風吹大陸，那復辨陰晴。

村橋語章甫

一路春烟候靈風，動旅魂。  
碣殘芳艸寺橋綴夕陽。  
村蝸殼勞人意，龍磯海客尊。  
空天何所繫，花藥在



雲門

一 阜城

古沙丘叔夜曾彈琴于此

莫問祖龍響稽琴亦不聞智愚千載事今古一谿

雲寒鵠啼荒井梟狐嘯野墳往來多涕淚幾誦蕪

城文

濟陽旅宿

一 劍荒城外人家半掩扉梁塵飛破釜馬櫪臥羣

豨何處青春醉空憐蠅蟻衣兵聲不聊寐寒雨况

霏霏

神頭鎮弔東方先生墓

厭次荆綦裏西風弔歲星殿中尊典訓物外見精

靈幽隧同金馬沙灘叫鶴鴿百年均此幻長嘯古

烟青

宿獻縣

滹沱戎輅色偏與旅心違荒闌儉秋草寒光趁鐵

衣麟盤千夢碎鴻過一星微望望華陽月何嘗別



故扉

望淄胸家信不至

皓髮拘天地龜山柰斧柯縈人書帶草厭世白麟

歌八口戈鋌內千江鴻雁過如何春又至只說羽

書多

窮天

窮天看獨樹百鳥意紛紜若葦難巢夢兵戈又別

羣心瘵嘗裹藥僕智願從軍隨處蛟龍麟朦朧幾

角雲

移梅覺翁夜坐不去

偶言玄化事情性在花房幽幹生新煖天陽動古

香呼春浮蟻綠何夜待龜黃去去猶星盼艱難盡

帝鄉

自淮之寶應

既雨兼之晚弱心安所歸鞠塵踈野步澀勒暗春

扉憐我唯孤劍逢人半落暉橫波羣艇亂何者是



漁磯

漁磯舟泊楊子橋

靺鞨風濤外閒心寄沈寥馬嘶黃草岸人急暮江

潮增影眠寒水谿聲走斷橋夢中敲古缶長憶廣

陵簫

坐蓉亭有懷

昔子展方別余在白門

半世殘書裡相憐白髮存無家愴舊友垂老別諸

昆浩翠明谿路寒鷗下菊門何當木葉盡重聚更

傷魂

蓉亭觀荷

壑老秋容澹花繁水不貧葭風吹蕩子蓉意想禪

人淨綠時私鳥深香可贈隣前溪烟月上未忍論

疎親

促織

天地冰霜日微生及此辰競心依野草氣候感勞

人望宇全非舊為名變屢新哀音長伴汝星晚到



雞晨

和韻訓鷦林贈別三章

貧交惟我友相背復南行古道高雲照荒心野水

鳴詩書慎黼黻草木盛戎兵別後通君意湖山空

外聲

其二

李偉高風在窮年憶汝歸茗燈勒雁羽水雪照牛

衣白髮殊難料素心忍更違海音喧日夜靜聽此

中希

其三

獨影殘陽外浮沉涇水鷺蒙戎瞻紫氣靺鞨老華

鞬鼓桂勞人夢離雲望不齊同君詹尹卜莫辨路

東西

送仲木之揚州余亦移家高郵仍用前韻

携累同孤影寒江柰此行獨憐髀肉在相視古刀

鳴乞食窮心路驅愁借酒兵茫茫春氣內不辨鳥



禽聲  
送香山遊潁川

一年經四別無語萬端中  
饑渴誰宜老詩書亦禦  
窮以讒堅道力有過賴心同  
他日看雲處蕭蕭各  
轉蓬

其二

何者為長策看人老  
一生鼎湖愁入夢清潁淚無  
聲古道黃塵暗炎天白髮行  
秋風雖有約惜別不

勝情

酒諧分得蟹螯同限四韻

萬樹酣霜日懸愁  
向汝刪酒城摧片甲水國動雙  
鬢風雨輸芒疾星河嚙石頭老饕持作賦公子幾  
雲灣

送鳧帽之白門

皆鳧帽歸葬其母

不見李生久  
杜用多聞喜漸真  
論心臨遠水緘舌戒  
行人有淚暉春草將詩娛老親  
一舟南北路黯黯



望風塵

其二

虛舟方見月翻載石城行酒候離人熟琴成朝雨

聲是唱家釀初熟招余虛舟雖然餘別恨即此已

深情楸影飛花亂春懷處處生

誕日口號

予家白狐嶺下龍塘則先慈墳墓在焉亂後屢夢先君囑予買田墓

側

母難悲今日吾衰憬昔年眼昏雙淚後髮白五更

前狐嶺橫兵甲龍塘買墓田夢回先訓在嗚咽

莪菼

其二

兄弟團樂日于今六載違儻逢容髮改况別信音

稀白日看雲亂青春羨鳥歸閉門翻自慰寂寂喜

同饑

其三

去歲鑿江至兒牽母拜予一棺今遠寺獨子在荒



廬難畫親娘面

趙雪江為亡者圖像兒見不似輒哭

誰宜老父書憂

深天寸寸冷月照窓虛

其四

李小有藏彭仙人黍珠金丹二粒是日分其一貺予悼往悲今感涕而已

飄零羞對友學道此生殘一粒丹能壽千行淚不  
乾晨鳧勤僕念魯酒怯風寒莫厭貧交味從君話  
肺肝

訓蜀中楊青石

記得論交地西風古渡頭石梁烟水濶劍閣虎狼

愁索米窮偏嬾談經道可謀裁書猶昨日鴻月已  
如鈞

登燕子磯

來問草堂寺初鐘已度橋人烟屯石港漁火上江  
潮野戍重關靜王畿設險遙憑高天萬里僧影共  
蕭蕭

繇招隱往白龍洞看梅

不解忙何事人扶危草行亂山爭日下古洞挾風



生只有空香入翻嫌春鳥鳴白頭今始到步步覺  
心驚

北固山

大江東北望半壁下孤城古寺風烟積春濤日月  
生人稀同石靜帆遠覺潮平五夜招提夢三山空  
外行

往焦山望北固一帶

四眺無閒目忘身到渡頭江風恬日末草氣上孤

舟狼石何年坼神山不斷流滔滔今古意端爲一  
人留

鶴林寺

黃鶴山南路無僧亦可留也知前境宵不禁數峯  
幽谷鳥隨風亂滄江何處流花邊春漸老莫上杜  
鵝樓

招隱寺

處士當年宅蒼然古木存雙泉明落日獨寺望寒



村炊晚僧歸院鐘鳴虎過垣行行吾自適高隱不  
須論

金山寺

孤峯百里見身到識陰晴滿地江風動如聞廟鼓  
鳴蒼雲連海暗駭石接沙平九載登臨後空山草  
又生

妙高臺無月

值于皇  
初度

東風吹北固雲上妙高臺一點難同炤千山畧舉

杯天懸江海坼夜靜鼓鐘哀纔說無生話春星過  
水來

十七日同蒼畧赴談十五招集戴公園兼懷

于皇

于皇是日誕生去春  
同飲妙高臺無月

不知今處士誰信戴公名斗酒歌新句黃鸝變舊  
聲去年爭待月茲夕共君明一望高臺上春風白  
髮生

京口晤蒼畧



潤州京峴望山水開空城晚市看飛鳥閒行得舊  
盟逢人四韻苦獨坐萬峯明君悟塵沙外江鷗箇  
箇輕  
不似其二  
幾日淮南棹揚州復潤州渡江何處好歸寺可忘  
愁百草吹香路三山照碧流春風知我慣無夢謁  
諸侯

壬辰除夕同三弟竺生五弟五庸聲侄暨舒

子固卿守歲隨所憶口占得八首

三弟竺生

屢寢難爲覺真成此夕歡七年纔頃刻千里共艱  
難短蠟邨醪薄單衣幽井寒有家傍戰地翻作異  
鄉看

四弟子展

忽別韓臺下三年淚不乾朋來無一字汝病有千  
端歲閱于戈戲心傷俎豆歡嗟余更飄泊長夜路



漫漫

兒茂

失學吾誰咎長貧汝乏師江天風浩浩母櫬草離

離弟妹何時壯哀臨又合圍欲歸那可得白髮任

肩垂

固卿

作客情偏重天涯勝似家勞君同貰酒入市且看

花瓦鉢存鄉俗墳音雜暮笳莫輕離亂苦細與說

彭衙

小有

是夕同其弟三石廬曹太夫人墓

老友江南去書來淚幾行兒居原曠野母墓即高

堂百歲今宵暇孤燈索句忙哀哉猶有弟洒血在

親傍

一

久立人能富長思靖郭君汝悲兄事我况與日為

羣殘臘拋貧室雙親隔暮雲丈夫淪落此世事豈



堪聞風雨食空雙膝副暮雲丈夫命寄此世半言

人立苒民富是思微雅政或悲只事好於與日

一晤即云別知君豈我踈大都皆慘痛不用更躊

躇懸釜空求市衣鶉且賣書晚行江水上雙眼入

空虛煮今宵那那到深向中哀若首自幾四血

紫峯去書來

萬井喧殘夜凄然縲絆人一年皆有累此刻屢無

貧蘿屋新泥燕江天舊馬塵東皇吾不問坐待曉

為春

除夕又示兒茂

憶汝頭平案全知漢將名龍精又戒旦麟角幾時

成茅舍三更夢雲臺萬里情當知吾勉學白髮少

年生

小有別予渡江

小有喪子兼有遺妾之舉

居然六極外胡乃僭稱貧羸博兒何地陰山草未

春憑虛皆邳舍破浪作風塵抗手無言去知君別



愴神

小 有茗姬善琴丁丑予見之章水辛卯聽彈

琴高沙忽聞他適愴然賦此

三回君不語神領每多疑處仲吾難效成連情蚤

移桃花南浦面流水甕湖絲此意狂夫解牛豕獨

臥時

代小有茗姬作答

半世同饑渴當年茗水心栢舟羞自怨葛藟痛君

深許邁寧求道韓康未賞音蒼天何太酷死誦白

頭吟

聽楊太常彈琴詩 并序

蜀人楊懷玉先生名正經前太常也善彈琴

予耳熟其名十五年乙未三月予有事淮上

先生在焉或曰僧也問故瞪視口僵而不言

予聞之凄然曰嗟乎吾聽琴矣淮有張子爾

常任俠士貧而來四方之客所居之城為昔



年屯兵地兵去瓦土崩疊牛羊之糞盈欵屋  
中過客例不入張子編蘆爲室偕虞山與居  
太常主之三人晨夕絃歌不輟雖日踐蟪蛄  
之塞恬如也予生平不妄聽人彈琴獨于先  
生有神契未易詰其所以然一日擬造張子  
廬聽琴中道而返維時三月十九日也退游  
湖寺越日見先生先生布衲芒屨揖予坐自  
敘其先世爲西陽宣慰使司代有戰功及自

爲將值巳巳之變從思石提兵入衛尅復上  
谷樂城諸地劍氣落鬚眉問予訝曰先生太  
常也胡然將軍哉先生感然改容有間復言  
其受知 先皇帝之故及召見便殿審定郊  
廟諸樂章律 先帝謂過于師襄云日昃客  
有請賜琴出觀趣先生奏者先生撫視淚縈  
睫環顧四座皆屏息迺端坐援琴而鼓三曲  
悲風動人王子曰止無多言遂別與友人程



嘉弟寧步于河北之野憇柳下三嘆而作此

詩嗟夫太常

昨遊胡不樂慟徹普天時忽漫行東郭哀哉聽苦  
絲庭空一鳥下曲罷野風吹寧復籌身世人間何  
所之

其二

七十僧行脚居然老太嘗自稱楊業後醉臥幾沙  
場百戰防山海三餐侍帝王聞聲不敢讚天語過

師襄

其三

野哭排閭闔終朝祝聖君青霄嘗獨立白眼望高  
雲大地聲頻吼幽潭咽不聞此中人少解鴉噪亂  
斜曛

其四

楚騷終古怨擬議即俱非蕤鐵湮埋久黃鐘甲垢  
微玄穹聽邈漠殘夢到依稀十載鍾期絕相逢有



布衣

光岳樓社集訓朱寧文

大雅荆榛日論交得素心千秋名轉僞一日道原  
溪老樹驚風雨高樓自古今酒酣休感慨刻燭見  
升沉

酬姜滙翁留別步韻

儒冠溺客日相對幾沉吟光岳千秋氣龍螭大海  
音湖山期後會風雨見前心別夢秋砧下西陵古

渡深

九日同方朔集寓齋望于皇不至

目斷孤雲住西風一雁來塵坌心自苦幽獨眼方  
開望弟招兄聚思親喚友猜黃花何爛熳偏向野  
人哀

晤緯之得于皇亡姬耗

黃子言方罷看天獨掩扉但增愁侶歎敢道旣貧  
非楚客生無賴情人死有威道心難乍用桐月夜



微微

同于皇因圃扈足聞歎四首

一嘆白人頭肝腸事事休  
縈愁須有地于世總無  
謀夜靜星辰苦霜嚴鼓角道老夫  
裝被薄寒重為君留

其二

到處頻呼顙聞聲更寂然  
天心真善妬世態轉堪  
憐保吉全宜拙防愁反畏禪  
感君終夜歎相別忍

孤眠

其三

死別強生聚余愁羨汝愁  
奇才甘薄命苦行見風  
流亂世黃泉潔歌庭白日幽  
饑寒從此後厭說是封侯

其四

多難逢今日全生賴一絲  
子卿非好色奉倩豈終  
癡情逼英雄死才傾妻子危  
相酬誰較苦沙劫不



能知

于皇亡姬一女余亡室一兒情頗相類枕上

其口占

三歲如枯木連宵淚雨傾孤兒思母面嬌女喚翁  
聲河上悲同調人間怨豈平遊魂俱悵悵幸爾絕

詩萌

于皇將移居成賢街

念子遷流地全家近鼓輦荒屯惟躍馬野屋不聞

雞只為雙親暮難經十廟西傷心何處好痛哭是

菩提

同于皇觀劇後作

歌哭何多故悲歡為一人登場紛將相滅燭見星  
辰明月空街設隣雞孤枕頻與君幽夢醒何處叫

蒼旻

送于皇歸秣陵

北風吹游子難說是歸心日對梅花苦生憎江水



深忍愁歡白髮勉孝重黃金入室誰相媚空齋有

默葉

于皇琴  
名默翁

和韻訓劉遠公廣陵見贈二首

見爾容初瘠傷予久白頭苦將三世好換作一人

愁夜雨憐孤寺重雲黯客舟忍商歸櫂事凄絕是

南州

昔與又

舊巷誰經過難為去住心孤帆江路渺春草寺門

暖金盡當衰俗哀多莫苦吟那堪更飛雪與汝各

分襟

雨中發舟往通州懷三弟竺生病中

作客何凄楚為心非一端雨含千樹暗霧去幾家

殘敲火萸灣近牽舟蜀道難舉頭看雁序淚落晚

風寒

舟行

三月朔日

海陵城忽過四望遠濛濛布被經斜雨蒲帆飽大



風驚鷗飛不定初柳意無窮三月今朝是扁舟東

復東

風浪又

百里風帆勢遙天逐望非人家樹屢沒春艸葦俱  
飛斥堠雖頻見弓刀此斲稀前邨今夜泊燈火向  
人微

舟過如臯懷山松

月陽光沒饑寒有萬家海隅聞戰鼓鹵地少春

花閱世鶯多感謀生水一涯故人南去杳東郭酒  
難賒

上巳雨泊丁堰

上巳驚雷雨維舟羨野農剪蔬童子朴赴社老人  
恭水恠殊難板村醪不易逢柁樓炊漸晚雲暗幾  
山峯

贈翁山上人

并序

翁山羅浮僧別號也其先世楚人爲屈大夫



之後丁酉別母偕其弟殘僧越嶺抵燕走盧  
龍塞上欲出關訪剎公不得遂南歸爲五嶽  
山峯遊道經邗上因數晨夕于其行也贈之以詩  
日月生東嶺嶺頭僧忽來乍逢知遠性久客歎奇  
才海霧昏難了關邊晝不開看君五嶽上花發首  
重回

其二

塞上風煙峻親看射虎歸感時貪佛日證道別慈  
闍雪窖羝羊瘦炎天孔雀飛所期定何處相顧一  
牽衣

其三

立春日予病  
翁山見過

僧來方臥病老去復逢春煮藥妨茶竈挑燈問海  
濱琉璃能悟性翡翠不謀身剗却詩名好還娛白  
髮人

其四

時翁山欲偕  
予訪鷓林

十載幽州夢重提倍愴神眼看氊帳雪血漬海棠



春柴市悲屠者園陵哭寺人遲君涇上話此地有

孤臣

其五

盧龍飛將地下卽李陵臺落日三關望悲風萬里

來蛤螺河太苦荔子熟應回看盡長城路虛空徧

草萊

其六

亂後匡山隘何峯可住君笳聲嘗入寺戰火欲燒

雲幽寢寒崖到前心耆舊聞誅莠今日晚謝爾意

殷勤

其七

翁山往玄墓看梅  
適予有狼山之遊

同行嘗獨坐吾又愛殘僧此去聽江雨連牀共夕

燈鍾聲來客棹花氣動春冰二月狼山望煙波隔

幾層

已亥七月移家盧家堡舟中卽事

亂離曾幾日兩度出嚴城國難輕妻子時危重甲



四照堂集 卷之一 第...  
兵鳥飛赤羽急月照白虹明茅舍三更夢茫茫野  
水聲

返揚城喜晤孫子無言

却訝秋還在蕭條滿目非江山千騎暗城郭一人  
歸見子南冠淚猶驚楚客衣庭花何爛熳寂寂伴  
伊威

射侯談崇邑先賢事甚快晚同慧融夜坐約

遊靈隱

白社開何日青墩見未曾野風穿破壁老樹掛危  
燈史信多聞友山溪夜語僧西湖明日去贈我一  
枝藤

呂仲音招集蔭芳園

偕若千麗京  
昔石門兵警

白頭偏愛客藉艸夕陽溪郊外仍吳越樽前說灌  
尋水涵城闕影樹逼戰場陰幽巷還通寺時來聽  
鳥音

又



擊劍雄心在當歌笑鼓鞞酒真過趙璧果不數張

梨蒼鼠綠衣衿朱藤掛石谿徐行看二子扶杖小

橋西仲音出兩幼子纜數齡頗知禮數

四照堂詩集卷之二

南昌王猷定于一著

龍眠王玘玘蒿伊校

七言律

同安瀾坐蓉亭言懷立一曲流泉

汎汎溪光照遠心寒塘芳杜此幽尋多情酒淥文

章草不盡花開夾纈林滄海已無明月夢射湖空

憶玉雞音小山詞賦堪招隱鶯鶯瀟瀟梁自古今



四照堂集 卷之二  
不寐早起彈琴亭子上

似有幽人步曉吟起看鶯語隔橋溪長溪小艇潛  
霜岸野屋驚花墮鳥林有泪耻收明月篋無聲獨  
響衆山琴鄰翁靜睨持罇立一曲流泉滄海心

涇上有感兼懷葭園野客樗樵

澹烟寒水遠吾廬採菊何心賦揭車牛背眼光滄  
海外鶯啼詩興白田初忘情草木慵觀曆錯認羲  
皇慎續書莫道花源春色好弓刀也自備樵漁

其二

督郵可是義熙初標榜柴桑慮亦踈湖意漏澄思  
避兎野行蔽芾欲依樗星河百尺樓前樹鴻雁三  
更榻上書今日爲憐周士賤北風雨雪肯同車

其三

譌言亂後又逢春敬慎威儀讀小旻悲喜共分彭  
澤酒安危難卜武陵津芑湖幽草人間世聖磬花  
巾夢裏身莫上高樓凌海望與君俱是未歸人



其四

饑驅南北度殘年我笠君車皆可憐  
春草夢驚江上鶴孤颿影斷海陵烟  
慚看白髮私妻子醉倚紅泉學老禪  
笑傲物情殘卷在石橋斜月水濺濺

李叔則明府枉詩見訊賦荅

駿彩仙風百尺樓飛音南望古揚州  
濤聲自壯中郎句花氣難留季子裘  
炤夜踈燈催短髮插天急鼓下中流  
白田唯有鶯堪聽叫斷春風又麥秋

其二

雲市霏霏結遠天法華香散舊青蓮  
玉鷄啼夢猶存樹流水傳音不在弦  
半卷陰符投野谷一江明月載歸船  
狂夫無那溪光外顛倒星辰看醉烟

坤五先生贈西佩詩索余和韻二首

三洲舊夢鼓鍾瘖片月孤飛海外禽  
江上鯉魚纔一字枕邊珠樹已千林  
乾坤身老何季曆清濁波澄此日心  
淚盡同貧方作客幾株殘木且秋尋



其二

瓠子河邊萬木瘖蒼茫何處繞孤禽江雲藜火牽  
秋夢蔓井蛛窠黯故林世事只看明鏡髮干戈猶  
剩古交心鳩茲正有黃柑酒咫尺烟波不可尋

次韻別寤明

甘季擊劍老相如風雨來尋楊子居白眼看人三  
斗淚黃衫授我幾行書蓮峰雁冷江濤濶螢苑霜  
殘岸柳踈別後酒醒何處夢高天渺渺獨愁予

重九同道生胎簪元長集平山堂

時公狄以病未至

日落高臺俯大荒連天江樹隱微茫雙懸日月存  
空寺十里烟花墜野棠對酒戰場孤雁叫佩萸秋  
墅古泉香傷心不待韋郎至黃菊歌殘髮已霜

杪秋胎簪道生子有登天寧寺後高阜限五

韻

望斷新豐萬感生同人野外拾秋蘅一樽樹擁殘  
陽盡蒲地烟流古寺橫掛劍嶺梅星斗暗歌詩壁



壘鼓鐘鳴君行莫向吹簫市難聽招關雁幾聲

秋客清江萬年少自徐州至晤集有感

不盡湯湯對濁河隔江猶自見漁蓑幾年馬角悲

雄劍半衲浮雲共女蘿滿地霜戈轡國外粘天雪

浪石城多鷓飛不定看幽樹把酒寒空問老荷

其二

幽薊神皇四十年芄蘭猶記策先賢弟兄異國看

雙鬢聾瞽人間學半禪故壘黃河明月夜新詩鴻

雁朔風天石鐘沉響山何在紅葉蕭蕭下楚船

其三

南北風煙一海濱家園鞞鼓雜聲聞琵琶亭畔空

啼鳥芒碭山中幾朵雲樓燼無勞王粲賦戰頻應

澁李華文洋洋河水公無渡畚火龍蛇莽不分

其四

淮揚人家雞多白日飛  
去海水不成鹹奇事也

陰符焚盡寫丹經日月交微守一星幽磬已隨蕉

夢遠古刀猶帶獵風腥荒雞久戍飛殘夜鹹賦難



四照堂集 卷之三 五  
供絕海濱堪痛隕霜黃葉後農官仍望黍苗青

贈王雪蕉先生

言詩今古幾人同撥盡寒燈午夜風響徹元聲鐘  
蠡外迸來真氣鐵藜中江湖裕履烟嵐厚鞏維鄉  
關象緯雄深悟讀書多未破十年遲見浣花翁

其二

黃流厭渡莫聽水古路隄河細似繩愁過客邊新  
蜡臘淚多家傍舊園陵夔州以後論工部凝碧歸

來識右丞誰說渡江東晉事太原風槩自稜稜

同陳玄聞先生客淮關夜集賦贈

冰霜天地黯重重振腕寒宵話舊蹤捫蝨誰曾知  
景畧臥樓我日見元龍鷗衣練水何時狎雁影湘  
雲幾處封吟咏不須多感遇冷然還聽寺門鐘

贈牛于野郡丞

曾向河姑締舊盟暫來吏隱駐仙旌論交豈必孤  
雲外開署惟聞流水聲湖海百年誰嘯傲江淮千



里客關情問君河上艤舟意却道却須是友生

會聞鄉信寄邳州姚廣文

英雄何地可藏名孺子橋邊聽水聲戰火青門瓜

蔓苦荒秋溢渚石鼉鳴鄭虔尚有寒瓊在杜甫今

無兵馬行十六州吟俱是淚可堪重下灌嬰城

水滸送嵇子震北上

甘羅城外趨移軍千里寒濤恨袂分鐵石關河憑

虎路東南箕斗錯星文綵毫已倦青苔賦長戟難

開碣石雲故舊儻逢思縞帶滄江幾點白鷗羣

至日偕鷓林香山子震登淮城眺飲已復看

月限五韻

高城落日俯層霄欲抱孤輪送遠潮大氣黃鐘吹

海動荒心白練接天遙牛羊幾上將軍墓

在城東紫鴻雁高呼太古樵醉後不知何處笛滿

城空水浸寒蕭古壑餘馨楚子兮黃昏木石臺今

其二



百尺游絲裊碧霄一觥鯨吸海門潮  
 模糊草樹蒼烟近歷亂乾坤古壑遙  
 磬鼓千年荒舊水釣臺今日上新樵  
 葭飛又遣靈鳥盡殘月孤僧自緯蕭

宿白雲菴

寒燈寂照夢難成但覺逢僧尚有情  
 關外客船噓野岸枕邊官馬踏殘更  
 兩淮烽火人初靜千里星霜雁獨征  
 爲弔漢家辛苦月夜深猶傍釣臺明

客淮雪夜同四弟子展宿天興觀

時子展將歸江右

廿年布被擁荒城古寺驚心倏三更  
 特地冷風窺鼠竄橫天大雪下鐘聲  
 弟兄語少衣多淚老病愁深夜不明  
 爾去戰場誰作伴康郎山下又移兵

臘月廿四夜同香山泊舟邵伯

舟迴臘盡又逢春飄泊湖天也結隣  
 穉子候門炊竈冷老夫剪燭祭詩貧  
 百年殘漏驚銅史一路荒雲老雁臣  
 憐我布袍方臥煖夜深猶有渡江人

黃葉篇



紀年七咏

予不穀自壯至老哭妻妾者五胡孺人其殿  
 也曩有一生盥面嘗餘淚之句斯已苦矣又  
 兩室嬪予七見星回遂以永畢吁嗟乎脩短  
 何嘗之有乃兩婦厄于七霜五人不逮百歲  
 司天籥者晷度不愆誰謂視天寢寢哉最悼  
 痛者氏從予不半載流離轉徙百罹備經一  
 子甫五齡不能俟其成立棄之而在泉門潛

昧索母無從每號一聲抱枕嚙臂左右環為  
 解弗聽喻以老夫吟詩或止因為紀年七咏  
 以代黃葉噫以詩止啼欺其無知也十年後  
 將廢黃葉為蓼莪矣且年短悲長詩亦何能  
 紀邪

甲申

是年三月予自石城歸九廟殄滅一妻淪亡  
 病臥一小樓人倫念絕戚友責以宗祊大義



趣予娶九月氏歸予十二月葬先恭人佐予  
襄事

國破家亡此一時天崩豈復問干戈新裳已濺銅  
駝淚舊枕難聽薤露辭母到墓門勞淑婦天爲祖  
廟錫孤兒當年閣下東湖水短草幽燐却照誰

乙酉

時事日非正月挈氏歸里改葬先王父二月  
改葬先王母及葬先太僕公氏從予處荒谷

誅茅營窀穸畢始入城七月兵亂予居圍城  
中得不死氏腹兒奔竄落星橋土寇發難趨  
豐城十月亂平復遷省城產兒孫茂

匝地烽煙接舊京北邙何處卜先塋星辰夜照芒  
韃路關市朝開鐵馬營逆將聚兵三日戰亂山懷  
子一人行兒今忍問桑弧事苦月荒風聽母聲

丙戌

三月吉州城陷予家上五湖船至螺子山尋



故人不見城下唳血爲江掘土泉自汲峽江  
白晝焚殺遂夜渡章江達蠡口五月繇石頭  
城抵淮渡黃河舍舟趨馬陵道上暑雨雜蒸  
標穿鬼谷中十晝夜耕泥河蹈橈恒輪予步  
亦踵糜氏病瘍終日抱兒哭無怨聲古稱行  
路難未有踰此者七月朔駐淄川稍憇望日  
氏初度予貰酒瓦盆相勞五鼓卽單騎北道  
赴所知難也八月至薊門山東兵亂環淄川

道梗不得歸苦若此

包胥誰爲哭秦庭  
乞乞崇墉戰血腥  
白鷺舟前酌古月  
黃河馬上乞殘星  
廿齡弓韞愁邊酒  
半夜刀環夢裏萍  
我去天津橋畔望  
兵聲都作杜鵑聽

丁亥

正月予出都二月返淄川携家南歸城戒嚴  
從兵間十餘日始渡河僑寓寶應四月予往  
于湖問故園消息舟迴鑿江不幸效相如反



成都事噫竹竿嫋嫋嗟可再咏邪八月返涇  
上氏病脾鷓悴甚矣

家書初報渡桑乾盼盡殘陽又曉鞍旅店候雞成  
淺夢窮途減食勸加餐只言薄命同饑渴誰信在  
夫有肺肝風雨一燈花自落不堪容鬢與君看

戊子

正月江省亂道路荒塞夏秋乞食于淮歸則  
行戚家溪草上手一編憶亂城中火三日氏

棄裙布納書于篋良苦旅烟不起有梟來庭  
氏携兒子采野菜自給殯之日無嫁時衣悲  
夫

鄉心曲曲陣雲西老慣窮愁咽鼓鼙每對黃花羞  
汗漫可能白髮有端倪網衣葬火殘書淚土竈生  
塵野鵬啼剩得一棺螢苑冷戚家芳草尚萋萋

效巳丑

五月遷高郵寄孥走邗上秋大水及其半扉



予驚操短舫屋梁下手持門扇渡亂流至河  
 故道乃易兩舟泛大湖雙行樹杪止寒河十  
 一月去淮稍得食祠竈日反氏作食請余祭  
 詩  
 五行同寇此殘身處處聲吹下鬼神入口夜魂棲  
 白浪半帆孤樹點青燐餘生剩作寒河夢臘火粗  
 同栢酒貧記得祭詩今祭汝不祥賈島作詩人

庚寅

正月予往滁山氏小病三月往攝山復病七  
 八月病甚十月免身病二十日卒  
 悔殺看山獨遠行一年送盡百年情蒼天豎子驅  
 巫卜沉鬼愚人守藥鎬難汝臨危空有累  
氏逝日屏兒不  
顧持珠朗 慚予忍慟說無生從今只愛黃泉路惟  
稱佛號  
 恐黃泉路不明  
 索母歌  
此歌題序在前難于彙分故仍附此篇內  
 一聲索母出夢中泉門烈烈號悲風初索赤身踣



地遶牀走走向棺前大聲吼將頭觸棺恨木牢無  
從抱母更抱兒使兒唇乾舌燥徒周遭翻身再索  
雪江老人之丹青胡爲呼孃不見形吁嗟汝母病  
久面皮皺癡兒何得循其舊聲聲喚爺抱兒向壁  
間將兒血染丹青換母顏母顏雖換肉已朽能復  
惺惺抱汝否畢竟何處索親娘顛狂大叫復登牀  
謂娘棄兒魂魄當在牀我執魂魄依母傍須臾哭  
久聲漸細如見母來潛隕涕雙手抱母誓不離離

母兩月兒嘗饑我今扳母頸吮母乳接氣歸喉胡  
不語癡心猶似在彌留欲哭不哭望母瘳口嚙心  
言遲且久劃然一聲枕在手當其抱枕當母時星  
辰山嶽孰推移瞥然母向枕邊去母在天時兒在  
地嚙臂長呼血迸流照人今古無春秋吁嗟乎兒  
血枯心已灰哀哀汝母安在哉我聽晨雞未唱燈  
無主唧唧如聞訴娘苦酸然天地皆風雨

清明後一日登文游臺雨眺



目斷長湖三十春千帆暮雨海東塵梨花白髮臺

前客麥飯黃冠夢裏人

癸亥予往昭陽會宿此臺道士餉予麥飯

猛士

歌風長憶沛泰山封石耻言秦

湖西沛城有漢高祖廟

荒荒

白日過天地鐘鼓樓邊照幾巡

秦郵漫興

雄邊臺宋時所建

臺矗朱旗閃舊津雄邊臺下幾黃塵花門伏弩長

連塞駟驥沉舟已斷秦日蝕可憐喧市鼓雞鳴難

喚渡江人何時雲黯蒼梧野猶結家鄉夢裏春

其二

文游臺以東坡少游莘老定國得名

秦臺不見舊人行蔓草碑前識姓名納納五湖元

祐氣蒼蒼萬樹海東情春潭鼉吼菱城立古血風

寒藕劍明廟祀從誇南渡後長淮甲馬亦濤聲

金人

陷揚州宋張華駐鼉潭積菱爲城金人不敢近藕劍亦出州志

其三

三十六湖鉦鼓多

郵人以鉦鼓取魚

湖中人唱打魚歌春

風禾黍神農郡

州有佳禾一名神農郡

夜月骷髏城子河異



代庄官傳野史當年丞相幟天戈青山大路今如

髮哨馬灣頭又幾過

宋文丞相行城子河出入亂屍中至嵇庄有今朝哨馬灣

頭出正是青山大路邊之句嵇公諱聳有義俠丞相賴嵇津送達行在宋史闕焉

其四

春風白晝旅魂驚垂老傷心見太平雲草千盤孤

雁色海天一線暮潮聲夔龍事主工謀國貔虎蒙

恩亦罷兵慚媿腐儒偷炙背滿垣星斗下空城

次韻訓侯克魯見贈

昔克魯有秦中之役

延秋烏夜續殘書寶玦猶存照短裾天地烽烟雙

鬢改嘯歌風雨一燈踈夷門道在抱關重太傅名

傳舊井墟

署為謝太傅宅故井尚存

莫嘆西京行邁苦閒庭枯

草看烹魚

送克魯入秦

百戰關河一劍遊照人無淚是雍州圖書盜賊歸

何處財賦兵車莽未休鐵嶺塵飛三輔暗瓦雲風

動五陵秋君行莫唱烏烏曲咽盡銅川水不流



癸未予從蕭伯王舟中識李子緇仲石頭城  
下將十年矣辛卯冬瞥見潤城恍惚若夢  
中訊其家無一存者越日予渡江會緇仲  
游大梁道次邗上偕小有訪予因酌酒而  
贈以詩

十載同舟古石城南徐風雨舊江聲甲申亂後誰  
生死丁卯橋邊識姓名頭白幾人遺老在眼橫衰  
草大梁行故人况有春浮夢對酒如何說此情

雨集同社得肴字

并喜同人得遜爻綠楊吹雨濺春庖只分淺酒堪  
埋照何處青山可藉茅石鼎香吟蒸蕙草海天遙  
色夢雲巢玄心自寂聲光內不效黃門賦解嘲

遊上方寺得門字

十里江帆到寺門春風何處不傷魂殘碑古字留  
人代廢井蒼苔照短垣墓下鳥耕芳草路酒邊牛  
散夕陽村蕭條翻愛憑荒墅城郭瘡痍未可論



壽王元倬六十

吳下風流顧陸殘  
薜蘿山雪滿漁竿  
江啣落日雙

洲見霜淨高天一鶚寒  
采菽川原黍稷登堂鐘

鼓晉衣冠莫言商老芝  
顏暮勲業還從鏡裏看

其二

甲子周回古夢遙  
草堂風雨聽江潮  
十年破帽餘

雙鬢半卷殘書見  
六朝紫氣鉤陳天  
歷歷白雲廬

舍影蕭蕭將詩娛  
母高人事虞夏商  
周酒一瓢

邵伯舟中同陳實菴太史八十翁張畫子先

生杜蒼畧夜酌時實菴示悼亡詩因步前

韻

實菴亡姬喜鼓能為漁陽三搥

轉喜舟遲得比隣  
東風不厭酒盃頻  
共看皎皎雲

中月遠立珊珊夢  
裏人搥鼓英雄思  
婦女高歌虞

夏有遺民兵戈又  
報杉關急且汎湖  
天一葉春

壽李宗伯太虛先生

唐人詞賦漢文章  
七十春風鬢未霜  
元祐黨碑懷



涑水西京遺殿想靈光  
救時忍謝蒼生夢隨處先  
開綠野堂近日歐臺多勝事  
管絃更奏白雲鄉

別李以理司理

春風三月客楊舲  
樹裏南湖入望青  
問俗誰堪追漢治  
平寃先擬奏虞庭  
海邦久沐隨車雨  
斗野遙瞻貫索星  
此別故人勞夢寐  
幾多心事短長亭

寄許丹綽

春風吹夢到長安  
欲問飛鴻借羽翰  
五馬渡頭曾

一別十年忍淚向誰彈  
銀臺還憶吳江冷  
崎路惟歌蜀道難  
自笑蘆中人寂寂  
夕陽殘月老漁竿

其二

百戰場餘兩弟存  
殘生漂泊向何門  
自慚白髮悲王粲  
每望丹陽夢許渾  
憂世肺腸惟雅什  
作天喉舌亦騷言  
相看雲樹三千里  
莽莽黃河水北奔

送孫無言歸歙

幾盼江雲返故林  
年年芳草戰場侵  
久遮黃海千



四照堂集 卷之二  
峯面長繫青天一寸心每喜無田傷麥秀翻然有  
路望陵陰東南鞞鼓杉關急古木雷溪深不深

雨過豹人漑堂

時同急雨過逋齋費爾奚童破草鞋南國史臣傷  
舊壘西池流水上空堦農衣已笑香泥濕將甲猶  
聞戰血埋爲問射湖垂釣者商霖幾點到幽厓

九日集紫苔山房

九日高談靜掩扉登臺舊夢尚依稀夕陽纔下西

堂好踈菊重看片月微幾處東籬人送酒一聲孤  
雁客沾衣遙憐崔氏莊何在細把茱萸未忍歸

其二

長干車馬踏荒祠古道黃花又一時短髮不嫌烏  
帽落秋心怕向野風吹劍臺斗逼看虹氣御墨雲  
生到硯池秉燭莫愁羈旅客百年難共此襟期

饒士衡辱詩見寄次韻和答

從別兵戈十五春雙魚猶帶戰場塵與君同命逢



四照堂集 卷之二 三  
先甲恠我他鄉說苦辛梅嶺可舒青眼望鴿原俱  
痛白頭人年年江水無情甚何處移家共比隣

饒幼吉有子鬻自兵間從邗上歸詩以送之  
老眼逢君忽乍明啣杯此地話重生征鞍未覺黃  
塵滿戰鼓猶傳白骨驚八歲兵戈兒失父十年傭  
保弟同兄

送龔芝麓太常北上  
辛夷花下幾盈觴躡柳重看送遠航禮樂暫因風

雅緩管絃偏向別離忙春風紫燕時何促夏日黃  
河水正長此去樓桑天萬里一聲庭樹是雷塘

木訓姜滙思留別步韻

廣陵散後楚聲悲古調泠泠奏此時蒲座賓朋依  
北海臨觴風雨憶南皮六橋舊夢秋雲遠一雁新  
驚物候移極目滄江無限意莫攀堤柳賦將離  
九日雨花臺步許觀察菊翁韻  
高人勝事每相關老客悲吟亦強刪短髮還傾千



四照堂集 卷之二 三  
日酒夕陽猶照六朝山黃花爛熳長千里秋水悠  
閒碧落間幾處管弦催夜月籬邊獨伴一僧還

九月望日集秋水堂見墨農遺跡淋漓壁間  
歸步月中喜而成誅  
爲愛佳名坐草堂捲簾幽處細生香黃華小閣臨  
秋水碧柳空天下夕陽醉石幾年殘蘚在墨莊親  
見此農荒尋歡十二時難報明月秋光較短長

壽許菊谿觀察

幾年江左舊謳吟此日觀風季子心劍珮三山生  
遠炤笙簧六代有遺音同鄉我愛丹雞好難老君  
同菊水深况是天心遲節候秋光九十到于今

西寺步月有懷

石臺樹影幾層層獨望南樓已倦登何處高城來  
遠笛三更殘月炤孤僧靜嘗顧影朋疑在老覺焚  
書道可憑遊徧江湖諸寺廢佛前長見少年燈

漫興



十里龍溝古岸遙行吟秋水樹蕭蕭到今始信公  
無渡來此空嗟王過橋五堰幾回東越馬三城時  
見夕陽樵思歸不爲愁衾薄已有寒風咽暮潮

中秋見月

晨起出卜向南市此身躑躅將安之歸逢饑鼠伏  
古瓦臥看落日掛游絲索米問僕計何拙典衣寄  
兒歸已遲仰天忽見明月上今夕豈非中秋時

苦雨後射侯過談

青苔封路幾多時馬跡蟲吟總不知作客清宵憎  
僕歎讀書異代喜人悲腸中明月偏昏眼夢裏秋  
花豈放眉旅况只誇前去好西陵松柏曉風吹

贈宋荔裳叅藩浙東二首

吏部文章絕代雄盧龍旌節海門東朔雲秋日行  
秦塹玉簡金書謁禹宮關輔久瞻釐保迹山河還  
遡鑿䟽功會稽亦是先王地趨走羣靈寶蜃中

其二



隼旗鼉鼓大江隣內地安危寄重臣  
 雅度朝哺三百士雄心秋祭六千人  
 日生秦望多懷古花發蘭亭獨岸巾  
 自是風流賢僕射行厨應洗玉盤新  
 七言絕句

芭蕉和韻四首 芭蕉二首

院落狂風冷自披孤懸葉葉報春知  
 蟾光影散千重見好護芳心到曉時

其二

殘心空自怨東風好夢誰教覆鹿中  
 閒殺月明青不了早移孤翠到芳叢

其三

宿漸平聲雲路在蘓臺嫁與春風不用媒  
 寄語沈郎

休草信秦樓有照為誰開

其四

願作綵綸不怕吹淒風錯解綠衣詩  
 淇園縱有千竿竹難寫青青絕妙辭



庚寅孟冬十四日予產一女以蕃釐臺花字  
 之日瓊生四十日母亡又十日瓊亦亡悲  
 哉作百十二字懺之冀此種不復再落人  
 世草間與一切有情永斷終古耳

母死兒生知不知兒生兒死一人悲悲時不為尋  
 娘乳乳斷生前母是誰

其二 其日愁東風吹我夢前燈照我中問誰與我

何曾啼母只啼饑也脫緋衣換孝衣孝得母時剛  
 十日兩衣齊着一棺微

其三

懺汝來生勿再生只今恩怨未分明弟兄但識娘  
 恩重頭血濡濡撞阿窮

其四 今世來食人

百千萬恨無言說想像惟憐肖母形懺得情銷天  
 地外殘生只寫法華經



寒食四首

何事驚心榆火新東風有例送殘春隔年舊雨邗  
江落斷送今朝寒食人

其二

戊子寒食予  
夢作祭先文

不倩烏啣紙上墳夢魂久斷祭先文請看金粟岡  
頭火飴粥雞毬幾片雲

其三

匝地烟飛爨獨遲家家繡草酌醱醺誰辭好祿封

綿上應笑當年介子推

其四

去冬一百五十日何日春風不可憐最是龍蛇三  
復後水雲歌斷甲申年

歐臺卽事

聞君忽到買花船百種名花列檻前臺上莫誇蘓  
玉局但能閒坐卽超然

其二



誰云望遠當歸來日在家鄉六一臺便作故園烽  
火後滿城花柳一時開

聽柳敬亭說史

三百年來一史臣憑君哀樂轉傷神高宗南渡無  
消息惟見流傳說史人

其二

破賊當年事已非猶存遺像說軍威三韓銅柱多  
戲下誰念將軍舊鐵衣

其三

百萬軍中托死生孫吳知此笑談兵千金散盡尋  
常事不換盱眙市上名

其四

時說水滸一段

英雄頭肯向人低長把山河當滑稽一曲景陽岡  
上事門前流水夕陽西

安禪自豫章來分惠武夷茶口號

十年夢斷武夷茶今日纔烹倍憶家記得新時開



四照堂集 卷之二  
三  
箬篋家家汲水到龍沙

其二

一殘微香對夕陽  
幔亭雲氣滿衣裳  
如何閩海三千里  
葉葉春風過故鄉

觀劇

等閒花裏識朱櫻  
又聽春鸚第一聲  
欲貌雙瞳清絕處  
層層烟水不分明

其二

從來勝事每無端  
欲待商量興已闌  
今夜月明風定後  
兩家歌舞一齊看

朱櫻口號

莫將定眼對朝山  
一曲凌風閒外閒  
便寫洛神誰得似  
只留秋水炤人間

市上購得書几故家物也得絕句三首

閑情無計可消磨  
幾度尋人市上過  
自笑伯通何處廡  
殷勤望汝入烟蘿







四照堂集 卷之二  
五千貝葉總灰塵誰向水天轉法輪會得殿前無  
聖意渡江悔殺折蘆人

送翁山玄墓看梅

未到花開已出家曹溪不着舊袈裟吳山一夜春

風發四百峯頭盡是花

羅浮有四百峯

其二

赤腳陰山說老年看花又費艸鞋錢道人莫說花  
開盡春到花開亦悄然

送僧惟識歸白狐嶺

從別山中樹幾圍春來春去野棠飛多情寄語袈  
裟石莫放雲歸待我歸

訪侗若聽誦經聲書壁間口號

翁山舊寓此

香林無地不傳衣忽有經聲出板扉曲巷井欄門  
逕僻嶺南僧去一燈微

遲方朔不至嘲之

池邊初綠罷清談却愛琉璃住小庵夜坐雨窻聽



佛號彌天春思落江南

五月十九日集濟之北園聞海警因憶閏三

月十九日同人畢集園中余聞竺生病革

倉皇走歸今日重遊一俯仰間悲涼何限

同遊者仍杜子方朔王子闡衣顧子天目

香令孫子皆山

池畔傷心一鳥啼暮春此日草萋萋相看仍是飄

零客綠樹陰中聽鼓鼙

余寓石圃日看新竹竹外主人種菊輒往視

因憶廣陵種菊者比屋而然種多至數百

本誇繁鬪侈酒人盈塞庭中菊意蕩然故

真知者寡也惟竹亦然二長好讀書兼此

二好定不類俗于其索詩口占二絕贈之

日對新篁又菊籬君同石圃亦何奇世間真賞無

人會不待凌霄花滿枝

其二思高士更愛樂容肯贈人兩容以夫健



四明堂集 卷之二 三  
每逢勁節思高士更愛寒香有韻人  
兩客凡夫對不得奇書萬卷一閒身

日遊喜石圃主人新移竹石八首

綠到君邊竹不知黃金斜日影參差  
簷前小鳥皆

能說說道高臺已有枝

石圃多畜慧鳥能爲百鳥聲

其二

數竿踈處見君能石上青霞看幾層  
滿目瀟湘何處畫小船泊岸一孤燈

其三

手把長鑱兩目瞪朝看荒土夕陰成  
今宵不獨琴書韻繞屋齊聽月有聲

其四

紫琅片片碧嶙峋一石欹斜更可親  
大笑名園多酒肉青苔石上寂無人

其五

連宵暑氣想空濛北戶披襟受好風  
我去巖扉應



有伴海棠花下聽秋蟲

其六

日載愁心到薜蘿  
懸知轉眼雪差峩  
碧天如海人間世  
一寸清涼不在多

其七

羨君事事幾曾無  
獨有傷心媿老夫  
閣下有山山下酒  
弟兄來往不須呼

其八

樂事須憑興有餘  
清陰晝靜復何如  
揚州若買幽蘭到  
石上涼風一卷書

送高六之九江絕句

用正韻

正值君行息鼓聲  
顰黃花有約豈東籬  
英雄只是依人老  
大笑三聲在虎谿

其二

一路休嗟百戰場  
蒙塵舊恨是潯陽  
西臺若弔袁司馬  
緘淚君邊寄幾行

司馬謂袁臨候也



古月頭陀書經後紀事四首

七百餘年宮樣新長門春暗幾黃塵如今鳳髻看  
圖畫猶是唐朝宮裏人

其二

久別顛毛卻認誰我非君是兩狐疑老夫亦有傷  
心事七卷蓮華報佛遲

余丙子發願書法華經以  
懺亡者迄今未成輒以為

恨

其三

少林纔去一僧來雲水飄飄任爾猜

雲水 亂  
中語

腰帶

不懸消息斷滿天風雨落江梅

其四

半菴夜半做禪關惹得千年鬼又還大夢覺來諸  
法幻空江何處見焦山

仲木出厝東郭挽以絕句

就土英雄血可憐幽泉無路灑蒼天顛狂阮籍何  
嘗醉痛哭人間十五年



四照堂集 卷之二  
其二 余三年喪兩弟

嗟余喪弟屢傷魂爾弟悲兄骨僅存兩姓弟兄還  
見面白頭人哭亂離邨

其三

嫂死兄歸已隔春芝山裝纒不知貧莊生豈是無  
情漢一笑相逢地下人

青來為公狄畫鵲令圖口占絕句

一鳥哀鳴訴九州斷雲斜日動荒丘知君能寫飛

鳴意難寫無聲地下愁

讀潘木公先生詩漫題

十載幽居憶薜蘿三山詩賦想差峩紫衣童子今

還在誰識當年香艸河

木公先生曾泊舟香艸河紫衣童子跡之忽不見說

者謂其前身云

其二

烏石關前老雁臣龍髯無夢哭延津開函三尺龍

泉水古鐵光寒尚照人



四明堂集 卷之三  
三  
中秋夜坐訥法師朗樓聽吳童歌

菩提樹下聽歌喉却有知音在佛樓聽到月明人  
散後無聲聲徹寺門秋

具範上人折贈木樨花

余故里有雙桂今亡矣舊稿猶有夢桂詩

故國香銷夢已殘秋香持贈白頭難晦堂舊話休  
重說劫火焚林正好看

中元前一夕泊石門聞岸上作浮屠事泫然

有感

石門陌巷柳青青舊日鏡聲此夜聽枕上有魂招  
不得秋風腸斷語兒亭







程